

豫章叢書

第四冊

雪坡舍人集卷二十六

新昌 姚勉 著

從子龍起 編

劄子

賀程丞相

某伏以三秋殷序萬物告成共惟大丞相樞使國公
先生冕佩廟堂陶鈞宇宙帝隆重任民猷太平鈞候
動止萬福某齊明盛服東鄉百拜奏記于黃扉之下
仰祈鈞照

某聞論道經邦變理陰陽皆胷中妙造所運和傳說

皇朝名臣集卷二十一
之羹以調中外負伊尹之鼎以鎮國家此吾相事也
二御苗蕩之請不當以此媚大君子某弗敢某茲者
伏諗朝廷渙號宰路升賢使熙寧早用伯淳決無新
法今中國已相司馬潛弭戎心敷綸一頒舉笏交慶
況如某之爲門生者歡聲載路歌舞條貫蓋與天下
兒童父老共之

某癸丑試蘭省時實出於準繩權衡之下蓋嘗伏謁
階墀修座主門生之禮蒙賜講進拜述庸忝于今四
年引睇六符夙夕稽首

某竊觀上自踐祚以來鈞衡之拜已十有二卓然可

稱者前此僅屈一二指其餘公論昭若日星當宁思
治甚勤求賢如渴自言路而政柄歷試之久知公之
可大用也而後新使宅百揆之命仰惟某官忠貫日
月忱通神明節操精百煉之金踐履無一瑕之玉表
清風其獨立頑夫可廉望舊姦之復來善類所恃入
事入告皆切時宜舉而措之言底可續大風颶颶震
動六合某謹泚筆以和徂徠之詩

某疎謬不才誤叨末第寵踰其分旋踵生災祿不逮
親仕於何忍誤恩賜召非所敢當且未服外勞驟爾
起家必譁物論已具辭牘懇陳下情伏冀鈞慈俯垂

臨鑒

某伏聞揚庭之告喜至不寐無以自見其忻慶之惻
輒脩儼語上瀆中涓惟是爛熳盈吟蕪溷韶濩且僭
越罪在不宥仰祈矜貸一賜鈞覽而擲之某有幸斯
萬

某眇若芥塵仰睇鈞閣何啻培塿之望霄漢不敢僭
致舍人之問非簡也伏惟鈞察

某鞿線短材無能爲役不足備展履之任然儻有竅
策亦罔敢辭謹頓首請目

賀蔡叅政

某伏以金行正序寶穡告成共惟大參相公先生以
道覺民貳公弘化生民之望天子是毗鈞候動止萬
福某謹齊明盛服東鄉百拜奏記于翹材之館下仰
祈鈞照

某切惟先生之身道統所關宗社攸寄在躬之福天
下同之某敢拳拳仰致莫助之愛

某伏自癸丑八月拜別師門今四閱年瞻前仰高未
始少替而無出一握衣於丈席泰山北斗日與四方
學者共之

某切觀孔孟以來迄于周程朱張雖道統承承而未

嘗一得大位以行其志今先生方以聖賢之學爲輔
弼之臣此非獨以得賢爲吾君賀亦以得時爲吾道
賀

某伏以大參相公先生蘊經天緯地之才抱正主庇
民之學立心立極繼絕學開太平非先生而誰屬左
揆方在上意有待盡展平生大學之用一洗近時相
業之卑四海傾心非某所獨

某疎謬無庸叨恩誤召靖惟所本無非極力挈提之
賜然某祿不逮親今雖從吉不忍問仕况叨第而後
猶未一歷外任起家之遽人謂斯何已具辭憤申省

乞仍待鎮東軍小關仰祈矜炤

某區區無以鳴其賀私僭易不揣荒蕪效世俗禮強
裁駢儷一塵突于黃鍾大呂之側有道之文視此不
直蟬蛻之疇也僅得一經鈞覽而擲之榮幸倍萬
某門人小子揣分有嚴不敢僭申鈞閱大眷福祿來
寧之問惟是令似俯教判嶽秘閣郎中某忝在榜下
日勤尊道仰德之心伏惟處東閣之靖閒養南軒之
事業某不勝慰快

某聞事師之禮左右無方雖未得日撰杖屨侍側伏
恐有一切委策條目恪謹遵奉

與賴守陳干峯

某揆時季秋謹律風露澄鮮共惟某官一世儒英四方侯度冕旒東注輿蓋翊扶台候動止萬福某謹焚香九跪奏記節下仰祈委炤

某切謂文星燁臨五靈森扈何物氛祲敢干次臆矧刺史爲邦所以養其入爲三公之望陰陽變理妙屬剗裁而何有乎小體之奉茲茵飭鼎某不敢爲御者諛

某緬覩西江前是魁天下者絕罕廬陵之董蕭灘之何適蓋鄉里不有英傑曷其雪之文脈久焉鬱湮達

尊先生破荒首出此燈一燄第第相承而如張如雷
接英錫而奮矣雖以某之愚不肖亦得以互解于其
後夕秀之振至于今袞袞未已皆千峯實倡之也倡
者難和斯易矣拭目日月高垂太清某願鞭策駑鈍
以從

某欽以某官負舉伊倫魁之才得孔孟心傳之學玉
階獨對無非忠言嘉謨家有而人誦之也薇省藥階
徑登栢路輿論所屬惟是以一舉龍首十年鳳池爲
淺器卑識者之語寧迂步而徐驅焉雖然蒼生之望
則未慰也身到黃扉展致君澤民之素蘊霖雨歲旱

躋時太平某歸心稽首

某踈謫無似濫廁逸書薄命如紙纒綴仕版卽罹失
怙之痛菽水弗養榮進奚心雖藉憐矜不卽死得終
制而問津宦海則未之忍也未嘗通光範以書談恩
得召俯躬自省有不敢當已具懇辭期於得請倘獲
所願不勝大幸庶幾可杜柴門溫故業他日痛定事
君尙長仰冀熏慈特賜警誨

某伏自在京日嘗拜謁增似蒙被與進爾後氏名不
祥末由一貢尊履何如之間伏審開藩鄉部攝事臬
臺則某又以邑子而爲塵埃矣贊琴記室宜在眾先

爲後可誅曲希矜貸

某粉榆晚出揣分莫敢僭詞使聞大眷爲長者役奔走趨之拱俟條教

通陳判府訾

伏以朱明正序清穆薦涼共惟判府監簿秘閣郎中鎮撫命新經理任重帝東廉譽民孚仁聲白候動止萬福某謹三薰九頤稽奉書贊名於旌節之下仰惟財幸

某竊惟刺史天也謂之天則陰陽造化手挈其柄矣矧福星所至祥藹扈之何外邪之敢寇第瑞人望公

如慈父母恨不朝夕至修途方暑敢乞寬涼次舍珍
簞冰盤厚加恙調庸副翹僊

某比審告成旬服改鎮侯邦上念創殘之民疇能安
集公有廉能之政式稱選庸綸綍一頒縉紳交頌爭
爲瑞得人賀某受廬之悞其家其鄉自是均拜更生
之造喜尤眾殊獨以官守所廢末繇躬拜廡下心口
相語以自慶無日不然

某欽以某官秋霜冰鏡之皎寒露玉壺之清世味不
足以嬰其心人爵不足以易其操爲國集事所至可
書有如桐川素號凋弊未及半載卽已蘇醒而精神

之名在御屏故以惠浙之右者移惠於江之右天子
之所以念瑞民者至矣瑞民之所以望公者切矣心
痛者不及緩聲某敢爲瑞陽之遺黎故老請拯溺者
不暇徐行公其念若早望霓之民乎某敢不稽首

某祿不逮親灰心仕進丙辰誤召恥與姦朋中道驛
疏籲天歸家席藁聖恩寬大赦釋不誅去年姦愾竟
成啟戎公朝念其曾有辯姦之論再以校讎賜召弗
敢躡分乞從舊官所請復俞只得強出去家纔二十
日鄉國爲墟城裏破屋數間雖幸不爲虜所焚而從
父兄弟避難走鄉者盡爲鄉之豪寇所刃家殘室毀

抱此辛酸宦況何有待罪于茲茹痛包羞仗丐并燭
某揆之弊體以民而事邦君合有駢儷之贊惟是某
家痛方新心緒凋落更不能屬思於文用弗獲以瓦
缶鳴于鍾呂之側尺書拙訥仰渚典籤擢屬崇嚴不
寒而栗

某揣分有間弗敢僭致隨軒大眷興居之間抑某於
瑞則民也敢辭爲役帥里人而恭教令惟宜願奉先
甲

通陳判府 昌世劄

某伏以薰時入夏爽潤如秋恭惟判府刪修判部侍

郡植德公清秉心愷悌開藩有傲穹屋裴扶台候動
止萬福某謹東鄉九頓首奏記旌麾之下伏幾財幸
某竊惟朱旛照臨境之山君川妃駭奔翼衛孰非獻
祥奉祉者矣事文茵玉鼎之勅筵詩曰樂只君子殿
天子之邦樂只君子萬福攸同某三賦此章以頌
某仰惟聖皇矜恤遠民謹擇良牧顧瞻周行孰爲廉
平謂公前在江東治有異等之效爰自省闕往綏高
安高安先正舊治也民舉手胥慶曰先正吾父母也
今象賢又爲吾父母矣是慶也某實同之某嘗謂高
安最爾之郡然地小而實允爲賦淵第近年來公之

裕而私之枵收者薄而歛者厚重羅良苦民食孔艱
老弱溝壑壯者四方矣爲邦者往往外掠關阨之虛
名內爲肥橐之實計欲政平訟理而無歎息愁恨之
聲者其惟良二千石乎欽惟某官廉足以律百揆之
貪清足以滌羣吏之濁安而不擾肅而不嚴荷山錦
水之民慕玉山水水之化久矣自今以始庶其有瘳
獨恐增秩璽書與選表入爲三公之命俱至又富溥
而天下用耳某不佞

某自丙辰之冬跡撫封之舊獲拜履舄伏辱隆遇越
於彝富假郡章以達其驛奏之囊封給官舸以濟其